

TARIKH	14 / 09 / 2016	SEKSYEN	PENGALAMAN TUNAI HAJI
MUKA SURAT	39	RUANGAN	

'Mak berada di tempat terbaik'

Anak mangsa kren tumbang di Makkah tahun lalu reda pemergian ibu tercinta

AMPANG- "Mak sudah berada di tempat yang terbaik, kita anak-anak perlu teruskan hidup macam biasa," kata Noor Farehah Abu Bakar, 36, anak kepada Zainun Taha, 70, jemaah yang terkorban dalam insiden kren tumbang di Masjidilharam, Makkah tahun lalu.

Media terdahulu melaporkan lebih 100 jemaah terkorban termasuk tujuh daripadanya dari Malaysia dalam kejadian yang berpunca daripada hujan lebat lebat dan ribut pasir.

Antara jemaah lain terkorban adalah Rusiah Suar, 57; Siti Nurohlshizan, 38; Rohana Ismail,

55; Munah Jusoh, 74; Abdul Habib Lahman, 69 dan Shahidan Saad, 53.

Katanya, perasaan rindu tetap ada namun dia adik-beradik perlu reda dan mendoakan kesejahteraan ibunya yang telah tiada.

Menurutnya, walaupun kehilangan insan tersayang dalam keadaan yang mengejut, namun banyak tersembunyi hikmah di sebaliknya.

"Saya telah berhijrah menjadi lebih baik, dah bertudung. Dapat pula tunaikan haji bersama abang tahun lepas sedangkan ramai yang menunggu giliran untuk ke tanah suci.



Noor Farehah bersama abang dan sepupu yang diberikan peluang menunaikan haji dalam kuota terakhir susulan insiden kren tumbang.

"Kami tak dapat tatap dan cium arwah mak buat kali terakhir tapi kami yakin mak ditempatkan dalam kalangan orang beriman," katanya.

Noor Farehah berkata, menyambut Hari Raya Aidiladha pasti ditangisi kerana tarikhnya adalah hari kehilangan insan tersayang.

"Ta hari gelap buat kami yang tak mungkin dapat kami lupakan. Kami hantar mak di lapangan terbang 9 Zulhijah dan 10 Zulhijah kami dimaklumkan arwah dah tak ada.

"Kelakuannya memang berbeza

sebelum berlepas menunaikan haji, tapi kami tidak mengambil serius mengenainya sebab beranggapan itu dugaan dan cabaran buat mereka yang bakal berangkat ke tanah suci.

"Semasa mak ke umrah dulu, mak akan hubungi kami semua tapi pada hari kejadian hanya abang saja dihubunginya. Kami juga tak telefon mak sebab sangka mak baru sampai dan banyak urusan perlu dilakukan," katanya.



Kenangan arwah Zainun (kiri) di tanah suci bersamarakan-rakan sebelum insiden kren meragut nyawanya.

NOOR.FAREHAH